



竺摩長老



著作：佛教時事感言

靜安和尚住持四明延慶寺記

延慶講寺，為四明首刹，宋法智大師中興天台教觀之道場也，年來因住持者不事振興，規制廢弛，宗風掃地，撫今追昔，無限荒涼！此次延慶法眷為謀振興，乃召集會議，選賢住持；結果以靜安和尚票數最多，當選為該寺住持，和尚素以弘揚佛事為己任，茲龍天推出，住持該寺，則重闡宗風，光復舊觀，記者有厚望焉。

臘月望日，為進住之期，巳午之交，和尚由甯城寶雲寺出發，乘以洋車，歡送者追隨其後，炮竹聲徹雲霄，音樂悠揚空中，黃髮垂髻，聚觀為樂，一如慶延慶住持得人者。既進三門，禮彌勒佛而說法語曰：「大腹容周法界，龍華三會記別；踏進延慶三門，笑顏露個消息。」繼至韋馱前說法語曰：獨立寶杆卓地，永作護法干城，魔氛障氣云散，依日月白風清

97

。」後至大雄殿說法語曰：「當年黃面瞿曇，無端八相成道，說法四十九年，贏得人天瞻仰。」後入方丈拈香升座拄杖說法語曰：「靈山拈花瞿曇，破顏微笑迦叶；惹得萬古兒孫，東壁打到西壁。諸大眾！師今延慶門庭，原是檀林獅子窟，承釋迦絕相之旨，傳台衡無言之諦。入此室者，唯聞葡萄之香，不嗅余香；在此座者，皆是選佛場中客，更非白衣。所謂大家團頭，共說無生話。畢竟延慶法幢，今後又作生？白雲遍飛四明山，一點寒侵入肌骨。」法語說已，即下座入丈室，眾人皆行禮致賀。是日午齋，僧眾數百，擁擠一堂，轟轟烈烈，實該寺數十年來冷落中罕有之新現象也。記者所奇怪者，該寺自前住持榮智和尚經營常住十餘年來，既無絲毫成績示人，反債台高築，數達萬餘，當新住持進寺之日，偌大寺院，唯留頹敗欲墜之輪廓，內則空空如也，一如經過洪楊劫後之情況者。尤奇者，榮智既以管理十餘年虧空巨萬之延慶寺交與他人，進住之晚，柴米油鹽等物，搬運一空。漫不顧百數寺眾之枵腹，喪心病狂，一至斯極！噫！未法惡比丘之惡作劇，亦未免太甚歟？晚近寺院衰敗，動輒虧空巨款而無賬目，皆由住持自肥私囊，無公德心所致。司政者遇有此种情事，倘不嚴為懲究，斯風一盛，寺院前途，更不知將伊於胡底矣！管理寺廟條約云何

98

哉？佛教會云何哉？

十八日，為新任住持齊供諸山長老。及十方壇那之期，鄞邑各界，或自惠臨，或派代表，高人滿座，道友如雲，僧俗一堂，開難得之淨筵，聯軸四壁，頌住持之德能。蔬齋既罷，新任住持乘眾人未散，邀集法眷開會於法堂，商認九千元債務移轉，均以前住持所欠含糊，大都非常住公債，致引起法眷質問，一場舌戰，未得結果而罷。乃又定廿五日繼續討論其事，詎期債務登記截止之前數日，數目已達萬二千元餘，前任住持榮智因畏怯法眷清理，乃携常住銀行股票契約，潛逃無踪。經新任住持登報警告始返寺。今聞有魯仲連

出而调解，已得新住持静安和尚愍其愚莽未受教育，不明佛教因果，慨允代还九千元债务，不与计较矣。

新住持进寺後一曰，即迎云水道人根慧老和尚及芝峰法师等驻寺，一以兴观、一以弘教。并定古历三月初之日请太虚老法师、根慧和尚、芝峰法师会讲妙法莲华经；兼筹四明教观院，以符四明教观并行之宗旨，其後兴古德道场一悲愿，於此概见。从此经秋落寞之古寺，行将重开光辉夺目之春花矣。四明尊者有知，其亦破颜莞尔乎？